

因隱匿不報之故

忻縣司密司牧師報稱五台萬大夫報告河邊村疫死一人該村二人已將屍體由距原平二十里之南家村帶來此事在六日以前現時河邊併無疫死者德大夫庫牧師明日將由定襄去五台便往河邊調查一切萬大夫擬關於南家村之事令崞縣防疫者前往調查

萬大夫趙參謀將往五台山因該處有多人由繁峙往代縣萬大夫等大約四日內可至代縣

定襄康牧師報告今日在東王村調查一切至星期四該處共疫死九人定襄知事確知肺疫之險辦事甚力太谷韓馬兩看護者已起程往太原

原平裴牧師報告距忻縣四十五里之大有張村於一月二十八日又死一女家中餘二人均入隔離所三日後該村又死二人該女之母於一月二十二日疫死於北曹張村其夫前往照料亦被染返家後於二十七日疫死

昨日余大夫由忻口經過被隔離之人五十五名隔離所現佔古廟其在店內隔離者法太寬但辦事者已許實力辦理

昨日與余大夫已抵原平查得原平西邊某村有疫死七人消息今朝即往查驗併將往查南家村之疫死者

崞縣德克森大夫報告昨早隨帶掩埋隊往莊頭村掩埋被染院內疫死之人該院於數日前已封閉在十里舖村內亦封閉一院八日內十里舖共死三人

二月四日
五台萬大夫報告德大夫庫牧師擬往東冶調查聞直隸平山發現肺疫之北林村距五台只八十餘里沿滹沱河而下乃一大道所以東冶與發現疫症之北林在一路線之上余大夫請德大夫庫牧師東冶查驗後即往北林

二月五日
代縣王大夫報稱據魏牧師軒崗電話神山堡王姓家內疫死二十人後死之二人於一月二十一日掩埋寬灘疫死三人後死之人於一月二十四日掩埋軒崗於本月二日疫死一人
繁峙岩頭村疫死旅客一鄉人一知事派人往驗尚未返縣
代縣張家堡昨日又疫死一人現又傳染二人
崞縣德大夫報告一老婦病死城內在十里舖疫死之一人已深埋

忻縣王大夫報告馮村昨日疫死一人

代縣魏牧師據神池電話報告該縣前後已死十人

忻縣韓大夫報告該鄉東北前染疫之三村無疫死者已七日

忻縣司密司牧師轉代縣德大夫報稱日昨到東冶旋由東冶到河邊查得有六人由崞縣界起程到南家村附近地方其中一人死於路上其餘同行者僱四人抬屍體回河邊村人拒而不納伊等遂成殮仍抬歸南家村按同行中五人之一已病十一日蓋非疫症餘四人均入隔離所四人中之一十九日病發二十一

日身死此人死後伊母親爲入殮其家中五人均已入隔離所隔離兩日之後德大夫往視尙無恙
德大夫由代縣報稱崞縣之莊頭村今又疫死一人名劉嘉林距陽明堡二里之處有一人死於道旁土孔
內姓名及來地均無知者擬卽於今日往該處掩埋此屍體

二月六日

忻縣裴牧師報告昨日大有張村疫死一人

省長派來之楊余兩委員昨抵忻縣

原平裴牧師報告查得南賈村疫死三人第一人由左雲縣來於上月二十二日疫死第二人乃一住戶於
上月二十八日疫死該三人乃該住戶之妻於本月四日疫死該住戶之姪女現在該院亦染疫症
昨日平地泉報告之病人已死

二月七日

五台庫牧師報告河邊又死一人該地委員辦事尙好

定襄庫大夫報告寇村疫氣已滅若二日內再不發生東王村之疫氣亦滅

忻縣司密牧師報告大有張村第二疫死者已由余大夫報告第三疫死者亦報知事刻下尙未前往調查

二月八日

定襄康牧師報告據河邊德大夫云伊等七日下午抵河邊被隔離之三人於七日早晨疫死一人餘二人
均竊逃刻下尙未知下落定襄縣刻下無疫死者安大夫昨日調查由崞縣至定襄大路上之隔離所內被

隔離者二十四人十七人同居三間之小屋中伊等將改良一切昨往窰頭口調查該地警察四名防守頗
嚴此數日內併無往來行旅

代縣德克森大夫報告萬大夫與趙參謀於今早三點來代已到莊頭該村染疫之某院中又死二人此外
再無新染疫之院陽明堡上期星內疫死二人城北殿上村於本月二日疫死一人三日其兄疫死四日其
嫂疫死兩個屍體由村人掩埋一屍用石堆起今日將令掩埋第三屍體

繁峙萬大夫報告岩頭村之三個死人第一乃一直隸由北回來之人大約姓張初來時病狀未發三日後
死於坑上店主於六日後亦死又大保村某店內三日前死一由北來之過客此地乃往義口之大道該口
係代縣屬義口臨近之一村已死三人繁峙知事非辦事之人應再派人幫助之

二月九日

代縣萬大夫報告渾源南五十里之某村聞疫死者有五六十人之多昨日繁峙岩頭村與盛村各死一人
此地孫團長與一西醫將往調查

定襄康牧師報告昨日往東王村調查得被隔離人郭某之妻現亦染病第十病人之老婦於七日晚間
逃去該婦姓劉係龍王莊人安大夫今日將往調查郭某之妻之病狀病如不重將該婦移住一容易防備
之處如伊等不欲他往則將伊之子女移往他處留該夫婦住此屋內

崞縣某大夫報告由朔縣來之趕駝驢者於上月二十二日疫死伊在南家村所住之店之店主於上月二
十八日疫死該店主之婦於月之五日亦死乘駝驢之人約四十歲名梁成當渡滹沱河之時梁成死於車

內趕車者刻下不知下落調查之困難處即該脚夫係由南家村店主僱得而店主已死

忻縣韓大夫報告由省派來之委員九人已分布各村忻縣知事已調四人現擬派二人往關城鎮二人往忻口一人留住北關隔離所今早知事送來一函伊只許各以一人往關城與忻口餘三人仍還原住村莊但原住村莊之一村雖死一人然並非由肺疫而死似無再留委員之必要

二月十日

定襄康牧師報告安大夫昨日往東王村查得郭某之妻已不省人事咳嗽頭痛想係疫症此乃郭家第十一個染疫之人蓋因伊家前二日疫死之第十人該夫婦不聽人言入疫室備辦裝穿郭某戴呼吸具伊妻未戴故沾染疫症安大夫已封閉該婦所居之疫室伊家有五小孩擬於今日送廟中隔離之郭某暫時仍留其家

東王村村長報稱前由郭某家中七日晚逃走之老婦刻已回村與他人隔離居住

代縣萬大夫報告樂大夫與魏牧師昨晚抵代軒崗最後之疫死者在三日以前屍體已於晚間掩埋掩埋之三人均已隔離但有一人逃走尙無下落

崞縣德克森大夫報告距崞縣三十五里之楊武村疫死一人

神池王大夫報告神池疫死者已三十餘人刻下仍有患病者寧武現無疫症發現

二月十一日

定襄康牧師報告安大夫昨日往河邊該處諸事妥協由隔離所逃去之劉憲安二尙未獲得

東王村郭某之妻昨早疫死安大夫已將該房封閉郭某亦隔離在伊婦疫死之室此村在隔離廟內由北來之人九名刻已移往南關隔離所郭某之妻乃郭家第十一死者即該村之第十九死者

忻縣司密牧師報告全境七日內無肺疫死者

代縣裴牧師報告代縣無新死者樂大夫魏牧師已往軒崗擬留數日再往神池五寨預計本月二十日抵三岔堡

二月十二日

忻縣司密牧師報告聞數日前馮村某人死於道旁據巡警探訪報告某人係六七日前餓死者日昨驟得消息謂該村已死十三人係由往太原之定襄人某於本月一日到該村宿於廟中該廟有和尚二名火夫一名二日定襄人起程僅行二里即死路旁五日該廟中火夫死六日一隣人死九日一和尚及村中四人死十日又一和尚及四人死以上均係確知之死人數刻下忻定兩縣正在追究此疫與定襄疫氣之關係神池王大夫報告該縣共有七村染疫最盛者三村城內又疫死四人與以前報告疫死之三人極有關係

二月十三日

定襄康牧師報告昨日殮埋東王村第十一死者並到南西方詳解隔離之法

忻縣司密牧師報告今早由馮村回來之巡官報告該處又死四人

繁峙裴牧師報告縣境於近八日內無疫症發現

三岔王大夫報告河曲有四村染疫與城相近之二村共疫死十五人第二村在偏關西關外距河曲約百

二十里其餘一村距城一百里與保德相近偏關城內死五六人最後死者在月之十日查偏關疫氣均由河曲傳來

五寨距城七里之隔離所內疫死六人傳染原由先由店內發生(一小販由神池歸來所住之店)店主一家均被傳染所有染疫者未死前均送入隔離所查得與染疫者往來之人全送隔離所

神池至今共死九十人乃長城內疫症最盛之處各村尤以義井爲最烈

磧口侯大夫報告昨日抵磧口與官長晤面聞鄰近並無疫症

二月十四日

三岔王大夫報告樂大夫與魏牧師現住神池待三岔會議時或神池疫氣撲滅後方由神池起身神池知事與警佐魄力不大只是允許辦事併不實行

忻縣包大夫報告昨日離開馮村該村至今共死二十人該村分東西兩段刻下可傳染他人均在東段張知事已將分東西段之牆重行修理由忻縣城至馮村之中間各村均實行遮斷交通距馮村五里之下曹莊有一婦人往馮村看護伊之父母返家即死該村中尙無預防辦法

各大夫抵馮村後所有屍體已經完全掩埋有一屍體只埋三尺深廟中之火夫只埋一尺深鞋頂與地面相平請電令張知事與馮村趕備棺材將淺埋之屍全行掘出然後依法深埋

定襄安大夫報告藏孤台疫死者昨已掩埋昨日報告陰曆二十九日趙村由歸化回來之人(即與前報藏孤台與南西力村疫死二人之同行者)現亦疫死

二月十五日

三岔堡范牧師報稱昨日查得神池疫症最烈之處即在大路上之仁義村約距三岔四十里然該村前並無疫跡發現報告據傳聞該處疫死者只十人及到該村查得疫死竟有男人三十八名婦人十名其中屍體九具尙未掩埋與病人接觸者二十五人其第一死者發現於正月二十八日王大夫往神池約委員九人兵士若干並帶石灰若干到該村掩埋該屍體等擬將該九屍體埋於一墓中因無買棺木處也范大夫昨日歸去之時在路上查得疫死之一童子已被鴉鳥食去上半身掩埋該屍體之村人鑿墓時地尙凍待鑿開後方將屍體等放入查神池自疫發生後至今共疫死一百二十六名義井仁義兩處即死七十一名軒崗疫症現稱消滅今日葉大夫及魏牧師去利民堡及郭家莊料理一切

寧武所報疫死之人係距該縣四十五里之三百戶村前六日疫死者該處疫症係由義井傳來五寨亦係義井之伶人染來義井刻尙演戲

原平德大夫報告今日將前染疫院中封鎖之人全行釋收伊等狀貌均嘉

二月十六日

三岔王大夫報告據神池萬大夫報告該縣情況不佳因知事無辦事能力該知事云雖疫死千人想係天命伊亦無法神池魏連長助理甚力今日寧武馬旅長到此必能幫助

義井由日前晚並昨早又疫死七人該處共疫死三十人仁義又死三人該村人民不過一百五十人至今共死五十一名范牧師昨日查得近仁義之某村六日前疫死二人仁義村之狗將屍體拔出二三具今日

擬往該處督視掩埋計神池境內現共疫死一百四十五名

忻縣包大夫報告據司密牧師與韓大夫兩日報告報告云馮村又疫死五人至今共死二十六人下曹莊亦死三人馮村又封閉四院

繁峙裴牧師報告岩頭共疫死二十四人該村距繁峙四十五里距峨口四十里余大夫與裴牧師今日將往峨口俟峨口疫症肅清再往岩頭

二月十七日

三岔王大夫報告昨日仁義疫死兩人義井未知如何此項報告係十五日之狀況仁義共計死五十三人該村除死者外不過百人尚有屍體十七具未埋義井亦有十具未埋現同范牧師計畫於星期一到義井星期二三到仁義辦理各該村掩埋事宜由電話詢保德河曲偏關自陰歷年節後三縣均無疫死之人據魏牧師報告十五日利民堡疫死三人十六日又死一人

神池范大夫報告昨日城內疫死兩人馬旅長由甯武報告偏關之西關已疫死十人又聞河曲境內有七八村已染疫

定襄安大夫報告前報藏孤台某死者之母昨日已疫死其他兩染疫之村今日無疫死者

忻縣司密牧師報告昨日與德大夫到馮村請韓大夫及康譚牧師今日回忻縣照料一切馮村又死一人該村共計死二十八人北關昨死一人非疫症

崞縣傅牧師報告莊頭疫氛已肅清

二月十八日

三岔范牧師報告昨日仁義村疫死兩人王大夫昨晚往神池今日計畫掩埋義井之屍體仁義前封禁之某接觸疫死者於十六日晚逃走該染疫院內疫死三人外尚有活人兩名仍住該院中

河邊德大夫報告十二日該村疫死劉姓一人六日前死者之父年七十三亦死據村人報稱因伊子死憂鬱而死

定襄康牧師報告安大夫及掩埋隊今日去藏孤台掩埋第二死者此係第一死者之母張覃氏年六十一歲另一老婦疫死係趙村之第二死者查該婦曾照料過第一死者該老婦係王喬氏年五十六歲今明日即行掩埋疫死者各家屬均已隔離

忻縣司密牧師報告距馮村二三里之窰頭崗疫死四人查窰頭崗某廟中之和尚曾去馮村看護該村染病之和尙馮村又死三人下曹莊亦死三人三村共計前後已死三十八人德大夫司密牧師尙在馮村

二月十九日

三岔王大夫報告距神池六里以前未報之某小村內共有居民十二三人已全數疫死近三日內義井疫死六人均係一日斃命該村昨日僅埋屍體三具因再無作就之坑墓也昨日仁義又死一人該兩村內刻下辦理得力當不至再事蔓延因各接觸者自行隔離於院中村人逐日供給應用之水聞義井外之某村據報已疫死十餘人計該縣界內約共死二百人王大夫今日往仁義該處已掘就大坑三個其中兩坑貼近舊墓並由該舊墓中將屍體掘出重行掩埋因以前掩埋太淺故也餘一大坑用以掩埋各院中未埋之

屍體

定襄康牧師報告德大夫庫牧師今早七鐘半均赴忻縣趙村疫死三人應昨日報告但彼時尚未得此消息此係趙村第一死者之母王喬氏年六十一歲伊家人將該死者與接近之人留居一處並云該老婦曾照料女子伊家即此一接近染疫者之人也然該老婦實係一接近之人查此老婦及其夫曾隔離一處當該婦將疫死時伊夫見事不妥遂逃避之旋又捉回隔離於南關隔離所此係該隔離所之第一被隔離者安大夫帶掩埋隊往趙村掩埋該老婦

忻縣司密牧師報告據報近馮村之某村疫死一人查該村距忻縣城二十里距莊磨鎮二十五里於陰歷二十五日該村和尚名周啟者往馮村還賬二十六日得病二十八日身死昨晚莊磨鎮派人到該村視察情形據回報均無恙惟一年幼和尚在廟另居一室已過七日隨即報告忻縣警察並令其派視察員調查後再報告

二月二十日

三岔王大夫報告據萬大夫報告神池城內街中發現死鼠兩隻當伊返回欲用一鼠考驗時已不在該處趙參謀於距神池城十五里之小山兒村調查於山邊三座窰內尋得屍體十二具此事在未放巡警調查之前並未報告該村內有婦人二名孩子三名逃走但他村之人不讓伊等入村最後只得入一山邊窰房內該村尚有一人負屍體四具放於窰內用泥封好初次負屍體在九日以前最後一次在三日以前昨日該人云伊之喉嚨中有病並伊家四人均已隔離由他人供給食物馬旅長報告距寧武八十里義井三十

里之某村疫死一人係由義井傳來馬旅長又云偏關又疫死若干人河曲肺疫日漸蔓延

據魏牧師報告距利民堡十二里之山口死人若干最後死者在九日以前利民堡內又疫死二人染疫死者二人郭家村疫症似乎撲滅該村共死二十九人在利民堡郭家村中間有數屍體爲犬所食距郭家村不遠之某村亦染疫

距義井五里之某村疫死五人但包於義井疫死人數內義井西南五里之郭家村報告有死人十餘名但均未曾診驗昨日將仁義村各院內之十七屍體埋於一大坑內今早仍有屍體三具將放入坑內與此坑相近之屍體若干因掩埋太淺必須另行掩埋於淺埋墓相近已掘下大坑三個今日即可將各墓中屍體掘起另行掩埋仁義村有染疫者一人此村內共有與染疫之人接觸者五人(以上染疫者亦在內)與疫死之人常在一處將來不免全數疫死

定襄康牧師報告趙村第三死者由安大夫帶領掩埋隊於昨日晚掩埋當掩埋後伊等往藏孤台東王村南西力村查得諸事平靖疫症似乎撲滅

忻縣包大夫報告據德克森大夫昨日報告馮村又疫死二人

二月二十一日

忻縣包大夫報告昨日馮村疫死一人並有染疫之小孩一名所有染疫之院全行封閉
忻縣界內除馮村外於兩星期內無疫死者

三岔范牧師報告昨日在仁義村重行掩埋屍體十二具明日將重行掩埋屍體七具現該村染疫者只有

二人不久即可撲滅義井昨日疫死三人

河曲有六村被染城南二城北四城南之村由十二日至今無疫死者城北四村中有三村距河曲在三十里以內一村距城約八十里范大夫以爲此卽與偏關相近之一村六村內共死七十二人八角堡共死五人本村人將各屍體自行用火焚燒

神池東南十里之楊家坡八日內共死七人城內昨日萬大夫掩埋夫婦二人該夫婦留下孩子四人刻下兩個孩子有病

二月二十二日

臨縣侯大夫報告二十一日道經汾州昨已抵臨縣該縣界內並無疫症

繁峙裴牧師報告昨往大保村掩埋屍體七具該七屍體發現於兩家內此兩院內共死九人前兩屍體早已掩埋本月七日疫死之丁仁卽首次掩埋兩屍體之一也伊父與妻均於十二日疫死又伊兄疫死於月之十三日另一兄死於月之二十日畢某於月之六日疫死伊妻與一月之小孩並服侍伊等之秦某均於月之十三日疫死河中有屍體一具據人云該屍體不知爲誰大約由疫而死已令將該屍體掩埋岩頭刻下尙無掩埋隊風聞疫死之人已有三十餘人

二月二十三日

三岔王大夫報告距義井五里之郭家莊疫死人共二十一名男十五名女六名刻下與染疫者接觸之人尙有四名生存均已隔離未曾掩埋之三屍體擬於明日掩埋最後疫死者在月之二十日

距仁義十里之田家窠一家中共死五人二男三女與染疫者接觸之二人已隔離最後之疫死者在月之十四日該兩接觸者卽掩埋此屍體之人義井與臨近之某村共疫死三十八人與染疫者接觸之十二人均已隔離無病狀發現仁義村又死二人此二人死後全家盡滅刻下尙有接觸者十九人均無疫症該村西北二里之小村於月之九日疫死二人

范牧師昨由五寨返回五寨城內無新疫死者距三岔三十里之五佛寺疫死十七人共有二十七人與染疫者接觸之人

神池萬大夫報告上次報告疫死之夫婦二人留下孩子四人次日疫死一孩第三日其餘三子亦死此外神池城內再無與染疫者接觸之人田家窠之疫症由用針之中醫傳來此中醫刻亦疫死

忻縣德克森大夫報告馮村以前與染疫者接觸之人近日仍有疫死者一家中所餘之一小孩前放入一室中與他人隔離次日疫死定襄安大夫報告隔離所內無染病者

二月二十四日

繁峙裴牧師報告昨往岩頭時路過掩埋隊由該村掩埋返回據報告在該處掩埋屍體二十三具大保河內之屍體昨已掩埋

三岔王大夫報告韓大夫與朔縣衛先生電談該縣城內無疫死者東關疫死五人最後死者在二日前鄉下疫仍蔓延

仁義南十里之賀職村疫死十七人屍體十具尙未掩埋最後疫死者在二日前該死者乃四家之人無接

觸者因該四家均全家死亡現在村中如有病人村人即放入村外廟中

神池韓大夫報告小溝兒澗由上次報告後又死四人前後共死十八人有一接觸之人現已染疫若此人死後該四家人均已疫死再無接觸之人刻下有屍體十具尙未掩埋大約明日即可辦理

偏關西關又死二人趙參謀未離開該處時即收到此項報告明早將與萬大夫由三岔往偏關

魏牧師與葉大夫報告伊等現在郭家莊辦理掩埋事項昨日在利民堡掩埋屍體二十具該處又死一人大約即最後之疫死者

二月二十五日

偏關萬大夫報告城內近無肺疫發現該縣知事前曾在東三省防疫局辦事當上月城內疫死數人時伊等即將屍體火焚此後再無染疫與疫死者

神池韓大夫報告昨日在小山兒掩埋屍體十五具該村有接觸者一人年約七十多歲尙無病狀最後疫死者在五日前

三岔王大夫報告仁義又疫死一人共有與染疫之人接觸者八人無人生病食疫死人之犬無疫死者十日前該村村長之犬由食屍體全口染血後與伊家孩子玩耍但該孩尙未現疫狀五佛寺又疫死一人接觸者五人

忻縣司密牧師報告馮村肺疫再不至蔓延

定襄安大夫報告五日定襄諸事平靖只有兩村發生喉症

繁峙裴牧師報告岩頭前後共死四十四人隔離所內現有十七人

二月二十六日

三岔王牧師報告范牧師往鎮東各村考查道經五佛寺掩埋屍體十五具昨日疫死五人其中四人係前染疫院之人也該院刻下無一無病者別一院內亦發現一病人室內接觸之十七人現有一人染疫神池韓大夫報告從前疫死五人係楊家坡最後死者在十四日前至二十一日宋村共死十四人板井共死八人

繁峙裴牧師報告該縣與畿口疫死者統計共七十九人大保與原平疫死人其間相距皆七日由此觀之潛伏期至少爲五日

三岔葉大夫報告風聞距破堡村五十五里之郭家莊疫死十九人該村在三岔與破堡中間

又據一委員報告距破堡十五里之鴉兒塢現亦被染共死二十人染疫者一人一家內有接觸者二人其有他院接觸者尙有多數利民堡疫症已撲滅

二月二十七日

三岔王大夫報告五佛寺又疫死七人又有兩院被染每院疫死一人上次報告客房內之十七人現有四人人生病與染疫者接觸之人共有三十二名

仁義村四日內無疫死者接觸者只有五人賀職村五日內無疫死者無接觸者田家窰共疫死二十一人接觸之人隔離期已滿義井自二十日後無疫死者神池界內王大夫與范牧師管理之各村共死一百四

十四人

繁峙裴牧師報告隔離之人均無肺疫發現昨與渾源教士電談伊稱該處肺疫日漸平靜

二月二十七日

三岔王大夫報告板井疫死十人首次死者在上月二十九日最後死者在月二十四日在院內與染疫之人接觸者十人

五佛寺又疫死六人又有二人被染接觸者十八人有疑似之接觸者十二人此十二人中之九人於二十八日隔離期即滿客房內之隔離者均已歸家星期三有五人死於客房內有某家前死一人五日後一日内該家疫死十人

二月二十八日

繁峙裴牧師報告該縣情形尚佳各村內無染疫者

三月一日

崞縣包大夫報告下申村初次疫死之張某係由往莊頭看護染疫之姊妹返家二日後疫死下申村前後共疫死二十人但巡警報告內有六人非由肺疫而死下申村北五里之磨兒腦疫死六人西十里之湯武村風聞疫死五人崞縣界內自第二次疫症發生後共死三十人均由莊頭傳染
三岔王大夫報告據葉大夫報稱鴉兒塢疫死十九人均未掩埋水渠中有屍體七具半身掩埋半被犬食有兩屍體棄於山底在兩院中各有屍體五具接觸者均已隔離村中只餘六人

五佛寺近兩日內又死二人前後共死三十九所有屍體全行埋掩

三月二日

三岔王大夫報告八角之第十一染疫者於昨日午後身死該屍體及其他屍體兩具均已掩埋該三死者死於隔離所之三窰內接得朔縣衛先生本月一日函該縣城內及臨近村莊均無染疫者距城東四五十里之處即廣武與朔縣之中間各村並山陰一帶均有染疫者衛先生又云二月二十一日接得大同函該縣每日均死四十人

神池魏牧師報告長畛村又疫死二人利民堡亦疫死二人

靜樂德大夫報告德克森大夫於上月二十七日離開忻縣查得馮村諸事順手近五六日內疫死三人此後再無新接觸者

代縣裴牧師報告二日前東岡忽死一人大約由心虛而死恐非肺疫代縣諸事平靜

三岔韓大夫報告上月二十八日仁義村小狗兒洞又各疫死一人

三月三日

崞縣包大夫報告距崞縣城五里之南坡村疫死一人即六日前疫死者之妻

三月四日

崞嵐德大夫報告昨日下午抵崞嵐查得境內共死十八人城內十一人城北嘴子村七人城內之疫在三院內第一院乃一大店接觸者均死店門亦封閉第二與第三院在一大門內最後疫死者在上月二十八

日

崞縣包大夫報告現用六尺長之鉄桿往小山村調查墳墓十二內有四屍體只埋二尺深已令人掘一深坑另行掩埋其餘墳墓用鉄桿不能探得屍體大約不至太淺小山村近七日內無疫死者亦無染疫者
三岔葉大夫報告昨在利民堡某院中接觸之三人二人疫死後該第三接觸之人逃回家中將伊全家傳染隔離所內之三人二日死二人三日死一人三屍體已令衛生隊掩埋

三月五日

偏關韓大夫報告昨日往河曲屬西溝調查該村前後統計疫死十九人均已掩埋最後疫死者在八日前偏關城內疫死四人最後死者在十六日以前
葉大夫魏牧師與偏關委員今日將往水泉營該委員一星期前在水泉營查得該處共疫死八人距水泉營數里之南海子村疫死九人均在二三日以前
河曲王大夫報告全縣疫症已滅

汾州彭先生報告風聞距分水嶺二三里之南峪村一家中疫死五人據人云死者之病狀爲吐血現已掩埋屍體三具但埋第一屍體之人三日即死

三月六日

崞嵐鮑牧師報告昨日德大夫及鮑牧師往崞嵐嘴子村查得該處共死七人內中有一診斷該死者之中醫亦同日得病身死該中醫係一老弱之人年已七十六歲且常咳嗽氣喘病時並未吐血意該醫係得別

症非染疫而死者

三岔李牧師於五日報告接得五寨知事函五佛寺又新疫死十一人

三月七日

崞嵐德大夫報告某新院中今晨二鐘有一婦得病三十二鐘後身死然僅咳嗽並不吐血
偏關韓大夫報告昨日在西關火焚屍體一具八角近又發生疫症因之葉大夫魏牧師不能脫離該處
崞縣包大夫報告包大夫及貝牧師昨日往下申村據石委員報告伊在山中之一穴查有男女屍體各一包大夫及魏牧師往視惟以凍泥塊砌圍之由孔內尙能看見屍體石委員已在該處掘好墳墓並備石灰請包大夫監察伊之掩埋事宜又查得童屍一具僅埋於地面八寸之下包大夫請該委員重行掩埋
子洪康牧師報告與太谷醫院張先生今日兩鐘到子洪傳牧師於正午從此經過已赴分水嶺據聞分水嶺於陰歷臘月二十三日有一旅客由省北到來遠鎮(在子洪南約四十里)僱驢到沁縣行至沁屬交口鎮發現病症不能進行該脚夫即離開該旅客到沁縣買米該脚夫係祁縣白獅嶺村人名張學兒於陰歷臘月二十六日由沁縣起程二十七日到家二十八日又到唐康鎮買米當日回家忽於陰歷正月一日發現病症二日吐血身死後二三日伊妻亦死正月七八日該村內又死二人一名一銀一名三銀不知其姓俟後檢查

又聞張脚夫路過分水嶺程家店內將餘飯給店主之女食之該女亦死不久該女之兩叔父均死後一叔母亦死後該女之父又死合計該店家共死五人一陰陽及該店家之一本家曾照護病人均染疫身死但

尙待確查

三月八日

偏關韓大夫報告去年陰歷曆月初該縣四眼井村疫死七人該村距偏關城北四十里

三岔王大夫報告自離開五佛寺後至昨日疫死十四人計該處前後共死五十三人有四家已盡數疫死

三家內有接觸者十一人

崞縣包大夫報告崞縣疫症完全肅清神山已過八日無疫死者亦無染疫者

忻縣裴牧師報告馮村疫症業經肅清近十日內無染疫者亦無疫死者

三岔葉大夫報告四日八角又疫死一人此人並非接觸者有兩人將該屍體抬出宅外焚燬

利民堡自前次報告至今共疫死五人其中一死者五十二歲因到某疫死者之家被染後又從隔離所逃

出歸家將家人全行傳染其妻及男女孩子均於本月三日疫死共有接觸者六人均已隔離於利民堡外之一廟中

三月九日

三岔王大夫報告神池西南黃兒窠地方十二日前共疫死十人已全行掩埋

朔縣衛先生報告該縣城內疫氣已肅清

崞縣包大夫報告磨兒腦疫死六人該六屍體之墳墓掩埋尙合

三月十日

沁縣康牧師報告查染疫之分水嶺南峪泉則溝毛兒尖均武鄉屬除分水嶺外餘皆三五家之小村距分

水嶺不過數里最後之疫死者在本月五日共死成丁二十一人孩子尙不知數

昨往沁縣調查傳染原人查得有一河南人於陰歷曆月二十七日死於交口鎮伊死之房屋在大街人衆

之處該房屋自伊死後住人甚多並無染疫者發現查該死者姓胡有旅行同伴二人均係河南懷慶人請

電駐潞安之康處長調查沿懷慶至沁縣一帶是否再有染疫之處

分水嶺最初疫死者由村人僱一乞丐掩埋該乞丐將屍身衣服全行脫去亦未掩埋

三月十一日

代縣司徒牧師報告王大夫由朔縣報稱該縣境內疫症業經肅清

三月十二日

朔縣王大夫報告昨日由電話詢大同歐牧師該縣情況據云大同城內無疫死者已經四日

朔縣各大夫約於十五日開會趙參謀今早由太原起程趕到朔縣與會聚會後伊即先往長城外各縣視

察一切

崞嵐安大夫報告該縣疫症刻已平靖

三月十三日

崞嵐安大夫報告伊昨晚聞黑石圪塔疫死屈銀成之弟屈靈筱查屈銀成死已多日其弟蓋因前往搬其兄之家眷被染而死

岱岳王大夫報告據某報告山陰共有十一染疫之村近十五日內無疫死者該縣約共死二百人
三月十四日

崑嵐安大夫報告昨日所報疫死之屈靈筱得病十日方死病時並不咳嗽亦不頭疼惟初時吐血後即肚疼而死身死之後指甲均變黑

神池魏牧師報告該縣疫氛已肅清但掩埋某屍體之一乞丐埋後伊即逃避此外神池境內確係肅清

三月十五日

分水嶺包大夫報告武鄉之最初疫死者係分水嶺店家之子名程奴兒伊於二月二日曾往距分水嶺南五里之南峪村該村至今共死九人分水嶺西二里之泉則溝亦死九人分水嶺共死三人分水嶺西南十二里之毛兒尖共死二人統計該縣共疫死二十三人又祁縣境內距子洪西八里之白獅嶺疫死四人沁縣之交口鎮疫死一人毛兒尖之最後疫死者已經六日各該村接觸者尙未查知

代縣裴牧師報告昨日各大夫均到朔縣於廣武附近處查得前未報告之四十屍體除二三屍體掩埋不合外餘均甚佳雁門北代縣境內之疫症均已肅清

三月十六日

三岔安大夫報告七日前五佛寺有兩小孩身死一係張三之三歲男孩一係張安生之五歲姑娘別有一女孩曾與該兩屍孩在一處至今尙未死此外無死者發現已經十餘日矣查五佛寺前後共疫死五十三人其中四十一屍體埋於十二尺深之一大坑內餘均分埋崑嵐偏關神池均稱平靖

朔縣韓大夫報告長城外西段之服務各大夫教士等如下韓明衛大夫爲首領德克森大夫尼牧師衛牧師覃牧師錢潮大夫周愛成大夫

中段之各大夫牧師如下葉卓志大夫爲首領賀慶大夫覃恩大夫魏禮模牧師厚巴德牧師貝克爾牧師焦杰大夫尹廣恩大夫並若干傳道士及看護員等

東段之各大夫牧師如下王普樂大夫爲首領侯文輔大夫庫範恪牧師鮑秉公牧師歐固樂牧師擬請趙參謀留於東段襄辦一切

中段之各大夫牧師先往懷仁陽高天鎮或去大同南境

東段之各大夫牧師先往應縣渾源靈邱廣靈等處

德大夫及尼牧師今早已起程往西段其餘之各大夫牧師均於下星期一方起程

其中東兩段之各大夫牧師今早令先進各員起程望趙參謀今午後可到朔縣
分水嶺傅牧師報告昨往毛兒尖掩埋最後之兩屍體該最後疫死者無接觸之人

三月十七日

岱岳王大夫報告王大夫及庫牧師爲東段之先探員其餘人員均由侯大夫指揮單大夫及魏牧師爲中段之先探員其餘人員均由葉大夫指揮

朔縣韓大夫報告趙參謀昨日午後到該縣今日午後該縣知事及軍官等請伊講演疫症朔縣北平魯南疫氛均已肅清

三月十八日

朔縣韓大夫報告厚巴德牧師直接前往岱岳賀尹兩大夫前往廣武岱岳間之各村尙未接得葉大夫之報告

趙參謀已前往平魯左雲右玉等縣將由各該縣前往大同陽高天鎮等縣

三月十九日

岱岳裴牧師報告魏牧師昨晚由懷仁報告懷仁之几村內共死六十五人某村在東關外魏牧師昨日隨警佐前往查得除八個屍體掩埋不妥外餘均掩埋合宜

三月二十日

渾源王大夫報告應縣前後共疫死二百七十九人伊等檢查渾源已畢今日將赴廣靈渾源共疫死一百五十四人無疫死者已經兩星期矣聞得廣靈只有某村死十人靈邱亦只有一村死十三人

三月二十一日

右玉德大夫報告該縣共死三百六十八人於本月十七日聞城東二十里之某村疫死三人

三月二十三日

寧武安大夫報告該縣無疫死者已經十三日矣

三月二十四日

大同葉大夫報告朔縣山陰懷仁刻下疫症完全肅清

三月二十五日

岱岳王大夫報告山陰境內疫症自二月十八日再未發生該處掩埋事均稱合法

三月二十七日

大同覃牧師報告兩段之各大夫及牧師等於二十五日均到左雲查該縣近日無疫死者大同右玉一帶無疫發現已九日矣

三月三十日

大同韓大夫報告昨晚到大同檢查之事已畢各縣疫氛已肅清禮拜六將往北京望將太原開會日期示知

第二項 委員報告

忻縣清疫協助員程俊報告(上畧)忻縣肺疫以孫村爲最熾該村距縣城僅二十五里東接定襄東南繞七峰山坡而下即可直達陽曲縣境(中畧)委員未到以前疫斃者共計五人查該村住戶不過二百家在口外歸薩等處謀生者多至百餘人在北路有疫各縣經商者尙不在此內自口外疫症流行又值年關伊邇雖交通阻隔難保無潛歸情事邀集紳民首事人等公同議定辦法三條(一)分擔勸導各該家屬從速致函各該地旅人目前切不南旋(二)已經在途者如回村時先令住檢查所七日確無病症方准在本村自由(三)如上項人已抵自宅後始經覺察者不必住檢查所趕將該家大門立刻封閉七日內禁絕該同居之家屬人等與外人接見以上各項防備幸一經指導閭村人民咸曉然於肺疫之爲害猛烈均能切實遵

從(下畧)

又和克恭報告(上畧)委員駐東區北義井村未到以前曾疫死二人均經西大夫按法掩埋即將該村外廟內會館設爲隔離所三間又添巡夫二名早晚看守村口二月八日晚由該村商人劉興安劉元二人由包頭繞道歸來行至村邊即由守門警士攔阻送入隔離所留住七日始使歸家嗣又沿鄰該村之直擅村張家莊北胡村南義井曹家莊安邑村高家莊東西樓村均照該村辦法辦理故此數村雖先後由口外包薩一帶歸來者一十四人然均送所留住七日始行回村幸該十四人皆無恙而該數村亦共免惡疫之災(下畧)

又張錦文報告(上畧)樊委員汝鄰奉差到忻後風雪奔馳以致抱病始則痢泄交加繼而四肢浮腫然猶力疾從公未肯少息於二月二十六日由令歸村差次回城診治奈醫藥無效竟於三月五日積勞病故飾終等費由縣墊發有錦文所具清單墨領存縣備查

又馮玉麟報告(上畧)張知事慶麟以北區大有張村爲有疫重地且係北來要道議定玉麟與委員張錦文前往駐紮玉麟到防後即督率巡警及該村僱役嚴加防範實行斷絕交通不准村人互相往來及有出村情形別村之人亦不得從此經過(中畧)二月九日由縣招集回城與各大夫牧師會議經韓大夫支配以城關分局事務紛雜當南北往來之要衝堵截檢查尤關緊要指定玉麟駐紮該處專辦檢查堵截之事即於城西之神口城東之羊房各處設卡稽查遇有盤獲之人無論晝夜立送分局受檢檢查所設於北關三元店內所中房屋每人一間復於關頭之伏魔宮另設疫病院一所以備有病人居住此分局檢查辦法之

實情也(下畧)

又司馬鳧報告(上畧)二月十二日跟隨韓明衛大夫往馮村疫斃之數已達十六人查其原因係有不識姓名太原人從定襄回籍路經該村夜無宿處僧人海福留其在廟住宿此疫氛流毒之所由來也學員到馮村後遵照韓大夫恩牧師指授方法將從前掩埋不合法者另行掩埋前後共掩埋過疫死人三十六名至於隔離辦法該村附近苦無相當處所幸疫毒流行只在陳姓巷內並未波及他處乃於巷之兩頭各築土牆一道劃爲有疫地點巷內有井一口責令地保爲之接濟一切此外無論何人不得涉足其地誠不得已之辦法也(下畧)

定襄縣清疫協助員張學吉報告(上畧)定邑防務劃分三區議定學吉擔任西南區事務所有染疫屍體均同西醫如法掩埋至縣境各要口雖已堵塞奈人民在口外經商者多扒山繞越潛行歸里勢所不免即邀同西醫安大夫警佐傅揚休縣紳張柳星商承知事於二月十五日諭飭各村長副將各該村口夙夜撥人輪流守望凡由關歸里之人就在各該村寺院實行隔離計西南區先後由口外回籍者共八十三人均經檢驗七日確無染疫始行開封釋放計西南區自一月十八日起至二月十八日止先後共疫死十人(下畧)

又李致祿報告(上畧)定襄防疫人員除下鄉外均於上午八鐘下午六鐘齊集分局研究撲滅方法致祿擔任東區共三十三村由口外旋里者前後共四十六人均隔離留驗七日無疫始准回家並令各村派鄉巡把守村口他村人民不得擅自進出此實在情形也(下畧)

又趙志和員守箴報告定邑原分四區招宣講員二十名分配各區輪流講演一月二十四日在縣西北四十里之上林村設檢查留養隔離等所各一處派巡官醫士各一名醫士六人駐紮該處實行檢查二十九日在正南十五里之窰頭溝正東三十里之軍家貝各設檢查所一處均派有醫士實行檢查又南關德勝店黃堂廟作爲窰頭溝與軍家貝之留養所及隔離所凡自該兩村過來行人皆要留驗七日若有發現疫症者即時送所隔離(下畧)

崞縣清疫員馬鳴助報告(上畧)東南區南賈村係南通定襄五台及縣屬宏道鎮之大路設檢查留養隔離等所各一處大莫村張家莊係同川到縣之小路各設檢查卡一處大莫設隔離所一處南郭下村外有本區南通忻縣之小路令該村僱夫把守(中畧)二月二十八日移駐北區班政舖路過下申村監視殮埋何孟氏何喜銀馬銀來三屍北區所管四十餘村與代繁二縣接壤當雁門南下之衝鳴助到時惡疫雖已撲滅而由北路暗地潛歸之人不得不加意防範以故派警各村日夜梭巡向來代繁二縣所用之炭取給崞縣於是會同區長賀楹在與代縣交界之大方村設煤炭接遞所一處以救濟代繁二縣急需五日二更餘警察在路查獲本縣南陽店村人樊官高等四人由大同潛歸遂派警押交隔離所留驗(下畧)

又龐俊賢段文瀛報告(上畧)中區大牛店鎮管轄八十六村有陽武要口一處惟陽武下申等村有疫賢往各處調查據下申村鄉約言數日無疫死之人此時雖派警把守該村街口又立隔離所一處奈尙未實行隔離二月七日張來居之女疫死鄉約等竟匿死偷埋以致疫氣蔓延十四日染死何郭氏十五日又死何考士何巨才張來居之幼子等三人均係賢赴該村時查出奈此數死尸亦經鄉約藉捲偷埋至六十七

兩日又死何考士之母及何富才之母十九日同段醫士移住該村是日女隔離所內又死張來居之孀母何巨才之妻傅氏二十日李道瑩由北區調大牛店兼代該區巡官未接篆事亦到下申村協助防疫事宜當日又死何換才之妻楊氏何巨才之幼子何會士之妻黃氏馬何如之孀母張氏等四人二十一日又死何官明一人賢等鄉約等速備棺木石灰等項該鄉約等抗不備辦連傳數次潛匿不見後經李道瑩將鄉地棍責一百示警村人由是挾怨二十五日段醫士帶警前往隔離所查驗即有王仲元王斗斗數十人攔阻顯有暴行舉動段遂返回旋聞鳴鐘聲賢知有因派警探聽此時街巷村人已經佈滿不能出入速將街門裏關該村人將門礮開各執棍棒蜂擁直進將警兵喝住不准動手先將李道瑩毆打至再又將賢及段醫士亦毆打成傷嗣經村人劉漢救負伊舖午後三鐘許續巡官帶警四名前來保護將段醫士護回大牛店警所晚八鐘鄭知事派石警佐帶兵四名前來保護一面調查起崞原委二十六日將我二人抬回崞縣城南關延醫調養匝月之間傷方平復(下畧)

代縣清疫協助員史美綬報告委員駐北區廣武鎮關外所屬四十餘村每日協同軍警分綫輪流檢查斷絕交通依法防範委員未到以前後腰舖廣武鎮張家莊均已疫協同巡官馬良帶掩埋隊前往親視掩埋惟張家莊係店主私留口外客人傳染至二月十九日後再無發生(下畧)

又賀明德報告(上畧)明德與郝君晉文同爲東區清疫協助員郝君駐崞口鎮明德駐聶營鎮崞與聶相距十三里均人煙繁密之地彼此往來最甚明德到聶後即令全鎮斷絕交通停止演戲揀選廟宇空房設立隔離所三處二月十六號由聶往富村與東下社村該兩村與崞口併繁峙屬之興盛村相距僅七八里崞

口與興盛村疫氛正熾非嚴防不可查富村民戶共有一千餘家有多數把口人始敷分佈明德與村正副協商就由該村公廟餘款項下籌補均樂從乃將該村各口公雇六人嚴密防範必辦理防疫公事者始可放過其餘一律斷絕至峽口疫症雖由繁峙屬岩頭村傳染實因峽口郝留計曾在岩頭村與由口外來人聚會而得明德每日檢查一次見該村預防手續尚不浮衍又如東下社村早將交通斷絕雖村人不准任意往來故峽口與興盛村雖與該東下社等村相距最近始終無疫症發生(下略)

寧武清疫協助理員馮玉貴報告(上略)玉貴甫經到寧西鄉三百戶村常存子由神池義井染疫回波及其生母並其胞兄相繼而死玉貴於二月十三日同警佐王廷元率掩埋隊前往依法辦理疫遂撲滅繼有張家崖村張環子亦由神池義井染疫回家亡故傳染其父母及其叔相繼而亡玉貴同警佐王廷元前往辦理屍用火化疫亦撲滅又有坡門口武小子於二月九日由神池小山村染疫回家次日即死傳染其父母妻子四人相繼亡故玉貴仍同警佐前往連屍帶房一併火焚又有東鄉趙家溝村孫七七於二月二十六日由口外石關窰染疫回家身死傳染其父母弟暨兄四人全行亡故又染及其舅父暨其外祖母舅母表弟等四人相繼而死寧武知事仍派玉貴率領掩埋隊迅往辦理通計寧武全境只此四村發生疫症盡係玉貴協同警佐王廷元親手辦理他委員未與其事(下略)

神池清疫協助理員張琴報告(上略)二月十三日晚城西仁義村疫發初來甚烈琴速即到區已死五十二名趕即實行隔離斷絕交通諸要務凡染疫之家所留未死之人及接近病人有傳染嫌疑者一律實行隔離隔離室外放有水缸每日琴帶人送水或食物開鎖以後站立七八尺外令彼隔離者取進飲食送出便溺

復行封鎖過七日無病者即放此對於隔離者情形也無疫之家不得互相往來倘有不得已而必須出入者令各帶護口具因該村疫死過多防禦之法不能不嚴此對於無疫家之情形也疫死之人琴指揮會首令村人挖八九尺之坑親率掩埋隊依法深埋掩埋隊兵各穿防疫服裝掩埋後必用藥水消毒此對於掩埋之情形也此後由仁義至小村而田家窰河職等村均如前法辦理二月十日即隨西醫王普藥前往關外有疫等村視查掩埋事宜先到朔縣南壩里陵二村其掩埋未盡合宜者重行掩蓋二月十二日到山陰岱岳鎮十三日同西醫德克森視查賀家窰王家湖高山疔等村十四日至縣城十五日會同警佐視查東小河東辛寨東李莊西沙堆南周莊王莊等村十六日同王大夫等馳往渾源經過應縣城西大黃魏查有屍體外露者侯大夫駐該縣催令掩埋十八日抵渾源與王大夫分區檢驗琴到城西視查裴村義家窰西留村顧關等村其掩埋稍淺者加土厚蓋此調查各縣掩埋之情形也

又常繼瑗報告(上略)二月十九日由利民赴八角召集紳商會首牛主行頭等會商辦理設分卡於財神祠設隔離所於城隍廟設檢查消毒室於關帝廟堡門緊閉派陸軍監守之非防疫辦事者不能進也一百八十餘家僅范毛小及母妻三口因染疫死餘屬清平此外八十五村凡屬有疫之村一切情形從無一村長副來八角分卡報告非每日調查不能知其確實惟與各大夫等帶陸軍分班往各村檢驗先後查明者有鴉兒堰村長畛村李家山聞家嘴韓家窰西溝等村查鴉兒長畛共死二十九口係一家人在兩村分住相隔半里許初由張四成由仁義染來疫症傳及長畛嗣由張閏寶又轉帶至八角城內此一月二十九日發生之實在情形也(下略)

又楊懷篤報告(上略)二月十一號據告城內隔離所石三牛疫死當同王大夫前往所內躬親檢驗按法深埋十二號八角堡堡長報告該堡范毛小家疫死三人懷篤即帶掩埋隊六名前往照法深埋並將該屍屍按法消毒封閉十四號赴郭家村因前疫死三十餘人雖皆掩埋惟辦理不善懷篤即將各該疫室實行消毒封閉又派警把守該村口不准與他村來往十六號返城適值馬旅長來神將有疫村莊劃分四區派懷篤辦理第一區事宜知事以第二區所屬仁義村義井鎮郭家莊等處疫死甚夥張委員勢難兼顧又將懷篤調赴第二區懷篤即日帶掩埋兵前往該處同王大夫張委員互相籌辦除將疫死二十二入深埋外查有已埋者四十餘人因不合法另行深埋二十八號王大夫派赴郭家莊查有馬丑小等十餘人亦不合法另行深埋三月一號又赴宋村聞得谷二虎李三亥等疫死即日偕同韓大夫照法深埋又赴板井村偕同韓大夫將疫死侯玉成按法深埋家屬實行隔離七號又赴黃兒窰村查得疫死十二人俱未深埋惟該村地處石谷深山之中掘坑不易柴木極茂商同該村長等均用火葬(下略)

繁峙縣防疫調查員左炳南報告繁峙北接陰渾西連代縣陰代等處均為染疫最先之區是以繁峙防疫入手辦法第一先從防堵北五口即與陰渾交界之北樓大石小石茹越馬蘭等口為要其次即為斷絕與代縣滹沱河以北東留屬村以南佛光莊之道路始則派警辦理稍形敷衍 又添兵把守由是斷絕交通之法乃能實行(中略)二月初間距城七十里之岩頭村有直隸人一名病死店主覓四人昇出掩埋不三四日掩屍之四人悉數病死當由防疫局派員帶隊前往察視初次疫死之直隸人確由縣北染疫之區而來但不知從何口繞越而入至因傳染身死之四人已由村人分別掩埋原為防備傳染起見詎知掩埋不得

其法而傳染之禍即由此生夫繁峙疫症之發生一由北五口防堵之不力一由初次掩埋之未能依法此皆辦理防疫者因循敷衍之所致也自岩頭疫症發生人心大駭城門嚴加防範甚至縣署前門亦派警看守不准隨便出入各村鎮亦知疫病確係人之傳染非關氣候各自防衛不相往來越五六日平靜無事以為可保母虞不料疫種未滅肆行傳播岩頭村之陳某家男女大小十六口數日之間僅剩有孩提二口沿街乞食親家不敢入村鄰不敢納其疫死之十四口後有掩埋隊悉數合葬一穴未免不情此外有東盛村婦人其翁姑本夫均染疫身死該婦攜帶子女投之母家母家不收投之姑家姑家不受不得已奔至城下投入隔離所始得保全當疫症盛行之時有外國醫士協助隔離掩埋諸事有駐代馬隊協助斷絕交通之事任勞任怨極力辦理人民亦漸知傳染之迅速醫治無效莫不互相告戒閉門不出由是疫症漸消未至不可收拾(下略)

平魯清疫協助員喬煥林司文桓報告委員等到平時正肺疫方熾之際查平魯接連口外稍一疏虞危極至極奈境內人民鮮有知識毫不畏避至於士紳熱心辦事者只有數人多數紳員有擔任之名無辦事之實委員等覘此情狀當會同知事潘祥和安籌一切凡有疫死之家屬以及新發現疑似疫症之病實行隔離沿邊各口均經加派警士嚴行把守遮斷交通平魯疫症始漸減少(下略)

山陰縣清疫協助員李輔臣等報告(上略)山陰全境劃為南北二區以桑乾河為界綏輔臣與張斌白三槐白萬榮四人擔任北區四十六村清疫事宜在該縣岳鎮警察分所附設檢查分所一處為清疫人員留集之地輔臣等立即馳往與該鎮縣佐邵贊采巡官張得成駐紮該鎮之步兵連長何文林等商辦一切惟

輔臣等未到之先該縣北區之東雙山王莊岱岳鎮高山疇新岱岳王家湖關岱岳賀家窰下安營等九村已有疫死者九十餘人輔臣等各帶巡警一名分馳各村認真檢查對於死者按法殮葬其遺留房屋嚴行封閉疑似病者照章隔離道路交通均行斷絕並逢人講演防疫方法著各自行防範如是種種進行不遺餘力旬日內疫勢頻減未及兩旬撲滅淨盡三月十四日西醫王大夫德大夫賈醫士等至晉北一帶檢閱各死者之墳墓均許以辦理合法處置得當等語(下略)

又陳本湖等報告(上略)本湖與穆文元王偉三辦理南區五十村防疫事宜議定該縣城內防疫分局為清疫人員聚集之地本湖等未到之先該縣南區發生疫症者為東辛寨東小河李莊西沙嘴南周莊五處本湖等次日各帶警士一名分駐各該村認真檢查實行辦理疫死者按法掩埋家屬照章隔離道路交通均行斷絕並赴無疫之村苦口勸導惟城西二十里曹莊與代縣交界之地郝圪塔村疫症猖烈本湖等恐染過疫氣速與知事商定派警士二名嚴密巡查幸未傳染(下略)

渾源縣清疫協助員楊恆春報告二月十一日帶同警兵赴義家寨村詢問疫症發現原因當將由口外歸來人民及發現疫症各家施行隔離並飭令該村遮斷交通該村前後疫斃八人如法裝殮深埋距村較遠之地一面將該家屬送入隔離所復至裴村派掩埋隊將各屍體依法掩埋共計十一名至顧關西留等村檢查時顧關染疫死者已五人西留已六人當派掩埋隊將各屍體重行深埋復週履各村明白宣諭設施預防自此漸次肅清再未傳染(下略)

大同防疫調查員李安唐報告(上略)委員十四日進城商同知事警佐籌畫進行方法一而前往各村切實調查經過情形如下(甲)關於催辦事項一搜查隔離手續由縣署飭警協同搜疫隊分段分街挨戶搜查遇有病人無論是疫非疫先留一警在門首看守禁止出入即時分報晉北防疫事務所部設檢查事務所前往檢驗如驗為疫症即飭令救急隊抬往部設病院並將家屬人等送入隔離所同院住人即就原址隔離禁止出入統俟七日期滿確無疫症者撤去崗伍不加干涉一殮埋手續先經縣署檢擇相當空地派員督工預掘墓穴遇有病斃之人立時棺殮掩埋嗣以存有預墓多穴而疫逐漸消滅始停止工作(中略)

(乙)關於調查疫村事項同邑有疫村莊為沙梁村馬廠四十里堡上莊村陽和坡宏賜堡等村均係一月間村民由口外回來染疫身故先由縣署派員同村長鄉會遮斷各村交通如法掩埋屍體委員到村後即將分往前列各村詳細調查實已消滅惟各該疫斃人家屬妄想於清明前後遷葬屍體經委員曉以利害切實禁阻商同謝知事張貼淺白布告限以三年後始準改葬一面責成村長副負完全責任禁止妄動業已分別辦理當可消患未然(下略)

又清疫協助員李鼎虞等報告(上略)二月二十一日遵謝知事指揮鼎虞敬時赴縣東各村是日先赴四十里鋪上莊村查驗前埋墓頂均增厚土(中略)二十四日李委員懷抱病回城查該委員所至宏賜堡得勝口陽和坡三村均距城七八十里不等出城之日寒冷異常所至處皆係有疫村莊二十五絕命之日臍下堅硬如石大小便不通死亡之速可以概見其得病之原矣二十六日至三月一日委員等均係在李委員身故嫌疑隔離期間暫停辦公三月十日遵謝知事令帶警赴馬家小村任家小村沙嶺馬廠瓦窰東西駱駝坊東西韓家嶺毛家皂要莊等輪流查驗並隨帶防疫布告多張對於無疫村莊詳細告誡使人民自知

防範有疫村莊之人亦知嚴行斷絕交通旬日而後疫氛漸次撲滅(下略)

右玉縣清疫協助員岳起鳳報告(上略)右玉城關隔離所設在東門外紅旗廟地勢狹小一切設置不甚完備北門外紅旗廟有空房十餘間乃按定章另行設置二月十四日親赴村鎮檢查每至一村必招集村長副花戶詳告肺疫之危險個人及公共之預防隔離之必要消毒之方法查至聖水堂有疫屍數具即督隊按法掩埋其有掩埋太淺者復加土及石灰右玉肺疫實由聖水堂起幸得各官紳極力撲滅疫始肅清

第六類 會議

第一項 調查報告會會議紀事

一月十八號舉行第一次開會式各機關選派之調查委員蒞會者共五十八人各界來賓三十二人首由調查股長喬景山說明本會組織之要義并希望同人與以極端之贊助旋請

防疫總局長南公出席其開會次序如左

- (1) 局長報告開會宗旨
- (2) 調查股長報告各縣現狀
- (3) 調查股報告省城關廂及陽曲縣境現狀
- (4) 各會員報告各機關自行預防辦法
- (5) 來賓演說

(6) 會員演說

(7) 散會

一月二十五號舉行第二次會議到會會員五十二人由調查股長主席其協議事項如左

(1) 協議各機關及商界出入城辦法

決議取嚴格主義以有限制條例為主當場公推主席為起草員眾贊成

(2) 協議擔任調查省城內外現狀之報告

決議劃分區域分段調查由總局各給報告表紙隨時函送調查股呈局長核辦之

(3) 協商本會繼續開會時期辦法

決議每星期五下午三鐘舉行之但每屆開會之前一日由調查股分別通知

二月一號舉行第三次會議到會會員五十一人由調查股長主席其協議事項為繼續第二次商號出入城辦法由起草員報告擬具商號出入城規則六條經眾討論一致贊成決議呈請局長轉飭太原總商會令各商行一體遵照

擬定省城商號出入門禁規則

二月八號舉行第四次會議到會會員五十人由調查股股員主席其協議事項如左

(1) 協議關於火車站與上關檢查情形應特委專員調查

決議應由本會派專員擔任調查遂公推調查荆虛心為南北兩關特委員

(2) 協議關於城外遞接所之辦法有無窒礙應派員調查

決議應派員間日一查

(3) 協商調查員分段調查應各給本段街巷地名一覽表以免錯誤

決議由調查股趕刷地段區劃表俟屆會下期務必散給

二月十五號舉行第五次會議到會會員五十五人是日因總局假青年會敦請楊醫士用電機演奏東三省防疫時各種攝影各會員全體前往參觀

二月二十二號舉行第六次會議到會會員五十人是日繼續協議各商號出入城規則自頒布後各商家是否實行有無規避應派員分赴南北兩門嚴行確查

決議派員確查詳細報告

三月一號舉行第七次會議到會會員五十五人是日協議事項如左

(1) 各調查員於調查時一經查覺有病者時即將門牌號數病人姓名詳細登記隨時呈報

(1) 如調查時遇有不潔商戶住戶須指定其實行掃除

(1) 各調查員於本段地內各項機關應確查其自行清潔預防有無疏漏

(1) 各調查員每至街巷調查時須勸導人民勿信謠言

決議對於以上各條積極進行全體負責遂宣告散會

三月八號舉行第八次會議到會會員五十人由調查股委員主席報告各縣防疫狀況并現在共疫死人數

旋由荆會員動議省城近日糧價日高民間嘖有煩言況城外既設有公共糧棧并非來源斷絕此數日米糧驟漲難保非奸商從中高抬市價事關民食應派員確查後與商會嚴重交涉衆無異議結果遂分派專員秘密調查

三月十五號舉行第九次會議到會會員五十四人由調查股委員出席報告現在各縣疫勢已漸有撲滅之望維省垣重地關係最屬緊要務仍繼續調查以竟全功又十三號智會員函報柳巷街某醬園號夥自崞縣繞道南下由大南門反繞至大北門混同入城一事節經特派專員并飭第一分局詳細調查僉稱該號并無南下夥友此舉純屬附會捉影衆無異議遂宣告散會

三月二十二號舉行第十次會議以大雪甚旋用電話分達各會員本日無甚要件應請下屆開會再議

三月二十九號舉行第十一次會議到會會員五十八人由調查股委員主席其報告事項如左

(1) 報告雁門關北有疫縣區之現狀

(2) 報告雁門關南有疫縣區之現狀

(3) 報告武鄉分水嶺發疫後經過情形

(4) 報告省外各有疫縣區自始疫至現在疫死人數

(5) 報告總局駐外醫士之最近報告狀況

(6) 報告榆次壽陽平定沿路檢查情形

四月五號舉行第十二次會議到會會員五十八人由調查股委員主席提議現在疫事已屆告竣除各員函